



## PORTAVÓS VI GOVERN U KONSTITUSIONÁL



## KOMUNIKADU BA MEDIA

Díli, loron 2 fulan-fevereiru tinan 2017

### Timor-Leste hetan fatin dahuluk iha Índise Demokrasiá tinan 2016 nian iha Sudeste Aziátiku

Índise Demokrasiá tinan 2016 nian, publika ona husi revista The Economist Intelligence Unit, iha loron 25 fulan-janeiru, klasifika ona Timor-Leste hetan fatin dahuluk iha Sudeste Aziátiku, tuir avaliasaun ba prosesu eleitorál no pluralizmu, fursionamentu Governu nian, partisipasaun polítika, kultura polítika no liberdade sivil sira. Índise ne'e koko atu apresenta "retratu ida kona-ba estadu demokrasiá nian iha mundu hotu, ba Estadu independente 165 no territóriu rua".

Iha índise tinan 2016 nian, Timor-Leste hetan klasifikasaun iha fatin dahuluk iha Sudeste Aziátiku, fatin da-5 iha Ázia no fatin da-43 entre Estadu hotu ne'ebé hetan avaliasaun. Pontuasaun país nian nafatin estavel iha tinan haat liubá, ho 7,24 iha eskala 10, iha ne'ebé kuaze metade husi nasaun sira ne'ebé rejista ona ho rezultadu ne'ebé maka tun, entre tinan 2006 no tinan 2016.

Timor-Leste hetan rezultadu sira ne'ebé dí'ak tuir prosesu eleitorál no pluralizmu, ne'ebé hatudu eleisaun livre no justa sira, direitu sufrájiu (direitu votu nian ba ema hotu), esforsu sira hodi garante liberdade eleitorál sira no prosesu transferénsia administrasaun sira ho orden.

Portavós Governu nian, Ministru Estadu Agio Pereira, observa ona katak "ferramenta sira kona-ba komparasaun internasionál hanesan índise demokrasiá ne'ebé nafatin hasoru dezafiu hodi garante presizaun. Maske nune'e, buat ne'ebé mak ita haree ho momoos hatudu iha ne'e no komparasaun internasionál sira seluk katak ita-nia liberdade sira ne'ebé define ona iha Konstituisaun, liuliu prosesu eleitorál no pluralizmu, ne'ebé defende ona ho firme. Bainhira ita hakbesik ona an ba eleisaun prezidensiál sira iha loron 20 fulan-marsu no eleisaun parlamentár sira, fulan balu tan, ita uza no afirma fila fali direitu hirak ne'ebá, ho konxiente katak, parte barak iha mundu, sidadaun sira lahetan direitu sira ne'e (no responsabilidade sira)". **REMATA**



Agio Pereira

+670 7723 0011

[agio.pereira@cdm.gov.tl](mailto:agio.pereira@cdm.gov.tl)

[govtlmedia@gmail.com](mailto:govtlmedia@gmail.com)

[www.timor-leste.gov.tl](http://www.timor-leste.gov.tl)